


# SOCIAL




**SHIRLEY ARENDS** a cumpli 18 aña awe y ta haya masha felicitacion di su mama, rumannan, wela, madrina, di su enamorado, demas familia y di DIARIO.



Masha pabien ta bay awe pa **ANGELIQUE LEEST** cu ta cumpli 2 aña y ta haya felicitacion di su papi y mami, di su ruman, demas familia y di DIARIO.



Awe ta di fiesta e papito di cas, **RICKY KOCK** cu ta cumpli 7 aña y ta ricibi masha pabien di su mami, papi, rumannan, di su amiguitonan, di demas familia y di DIARIO.



Awe ta cumpli un aña mas di bida, **RUBIN MADURO** cu ta haya felicitacion di usu tata, mama, rumannan, amigonan di trabao, Bubali, demas familia y di DIARIO.



Aruba Jaycees recientemente a eligi un directiva nobo pa 1985. Ariba e foto aki por mira Severiano Feliciano segundo vice presidente, Richard van Blaricum, director departamento di entrenamiento, Franklin Abath, director di relaciones publicas, Benny Heinze presidente, Glenroy Lake, secretario, Ashok Hidaramani, director di departamento di acomodacion, y Leslie Burke, director di finanzas y tesorero. E programa di desarrollo di comunidad ta consisti di ehecucion di mas proyecto pa mucha en coneccion cu Aña di Juventud y ademas Aruba Jaycees lo asisti organizacionnan social y cultural na Aruba ariba nivel di directiva.

## RORY ARENDS HEFE DI OFICINA DI TURISMO

**ORANJESTAD(AAN)**—Sr. Rory Arends entrante prome di januari, a ser nombra como hefe di oficina di turismo di Aruba, despues cu e hefe Sr. Betty Arends a bay cu pensioen aña pasa.

Aña pasa Sr. Arends a cumpli 25 aña den servicio di Gobierno di Aruba. El a cuminsa su carera como empleado publico na Eilandsontvanger dia 19 di mei 1959 y for di 1965 e ta emplea na Oficina di Turismo di Aruba.

Na mei 1972 Dr. Rory Arends a bay cu studie-opdracht y a gradua cum laude na e Instituto pa Turismo y Hotel Management na Salzburgo, Austria. Tambe el a tuma practica na World Tourism Organization na Ginebra.

Dr. Arends a ocupa puesto di Director di Oficina di Turismo di Aruba na Caracas for di aña



1975 pa 1976.

Desde 1978 e tabata fungi como hefe interino di Oficina di Turismo di Aruba y for di 1982 e ta miembro di Marketing Committee di AHATA y un aña despues esta na 1983 el a ser nombra como miembro di grupo di trabao pa asuntonan di aviacion.

Na ocasion di e di diez aña di existencia di oficina di Turismo di Caracas el a haya un plaquette pa su trabao valioso cu el a haci pa Aruba na Venezuela. Cu gran satisfaccion Dr. Arends a ricibi e titulo di doctor den ciencia turistico na 1982 for di e Facultad di Ciencia Turistico di Napoli, Italia. E aña 1982 a sigui cu suerte pe, pasobra for di International Public Relations di Roma

el a ricibi e premio internacional di Turismo Golden Helm. Na varios ocasion Dr. Arends a representa Aruba na seminarianan Internacional en cuanto turismo, tanto na Europa, Sur, Centro y Norteamerica y den e region di Caribe.

Dr. Rory Arends ta conoci como un trahador incansabel na bienestar di e industria di turismo di Aruba y presisamente esaki a conduci cu el a haya varios distincion.

### HOMBERNAN

Cont. di pag. 2

caminda el a haya un cuarto gratis, comoquiera cu e aparenca tabata indica cu e tabata bao di influencia di algo.

E doño di auto no a entrega keho contra su persona.

A NACE UN STREA NA

Dr. H. Oduber Hospital

Su nomber ta;

**MILITZA**

Su feliz mayornan Alex y Milva Koolman

Su ruman orgulloso Alitsa

Januari 16 1985

Mrs. Maria Leoncita Arends  
and  
Mr. & Mrs. Ruben D. Mansur Arends

request the honour of your presence  
at the marriage of their children

**Elizabeth**

and

**Ruben Jr.**

Saturday, the nineteenth day of January,  
nineteen hundred and eighty five  
at 4.30 p.m.

St. Francis de Sales Catholic Church  
621 Alton Road  
Miami Beach, Florida

Reception: Pavillon Hotel  
100 Chopin Plaza  
Trinon Ballroom  
Miami, Florida

Address: 720 Coral Way  
Apt. 4 - A  
Coral Gables  
Florida, 33133.

Reclamo y  
informacion  
**DIARIO**  
yama telefon  
26747